

ШЕРХАН МҰРТАЗА АТЫНДАҒЫ ХАЛЫҚАРАЛЫҚ ТАРАЗ ИННОВАЦИЯЛЫҚ
ИНСТИТУТЫ

БЕКІТЕМІН

Шерхан Мұртаза атындағы
Халықаралық Тараз
инновациялық институты

ректоры Э.Ғ.Қ. доцент
И.Баяндин
2023ж.



БІЛІМАЛУШЫЛАР, ТҮЛЕКТЕР ЖӘНЕ ДОСТАР ҚАУЫМДАСТЫҚ
ЕРЕЖЕСІ

Тараз 2023 ж.

1. Жалпы Ереже

1.1 Шерхан Мұртаза атындағы Халықаралық Тараз инновациялық институттың (бұдан әрі институт) түлектер қауымдастығы (бұдан әрі - Қауымдастық) мәдени, білім беру, ғылыми, басқарушылық және басқа мақсаттарға қол жеткізу және жалпы мүдделерді жүзеге асыру мақсатында құрылған және мүшелікке негізделген институт түлектерінің қоғамдық бірлестігі.

1.2 Қауымдастық институт Жарлығына сәйкес құрылып, осы Ереженің еркінділік, өзін-өзі басқарушылық, жариялылық, заңға бағынушылық негіздеріне сүйеніп қызмет атқарады. Қауымдастық заңды тұлға болып табылмайды. Қауымдастықтың барлық іс-әрекеттері Институт аясында жүзеге асады. Қауымдастықтың қызмет атқару мерзімі шектелмеген.

2. Қауымдастықтың мақсаттары мен міндеттері

Қауымдастық мақсаттары:

-институт пен оның түлектері арасында өзара ұтымды қарым-қатынас орнату жолында әрекеттесу;

-институт түлектері арасында корпоративтік рухты нығайту мен қатар түрлі іс-шаралар, үздіксіз білім алу, on-line қызмет көрсету, түлектер арасында корпоративтік рухты қолдауда түлектердің күштерін біріктіру;

-түлектердің өзіндік дамуын жақсартуда жағдай жасау, олардың кәсіби өсуіне қолдау көрсету;

-жыл сайынғы жас түлектердің жұмыспен қамтылуы үшін түрлі мемлекеттік бағдарламаларды түлектерге таныстырып, түсіндірме жұмыстарын жүргізу;

-әр саланы басқарып отырған қауымдастық мүшелерінің пікірлерін саралай отырып, нарықтық экономиканың сұраныстарын ескеру арқылы институттың маман даярлаудағы білім беру бағдарламаларының перспективасын анықтау;

-түлектердің мен қызметкерлердің күш-жігерін біріктіру, имиджді нығайту, институттың корпоративтік қарым-қатынастарын кеңейту арқылы институтқа өз миссиясын орындауға көмектесу;

-институттың әлеуметтік, мәдени, білім беру, ғылыми мәселелерін шешуге көмектесу;

-институт түлектері мен оқытушылар арасындағы ақпарат алмасу.

Қауымдастық міндеттері:

-институт түлектері арасында байланыс орнату;

-институт түлектерінің жұмыспен қамтамасыз етілуіне және студенттердің өндірістік практикадан өтуіне ықпал ету;

-институт дәстүрлерін дамыту және нығайту;

-түлектердің біліктілігін арттыру мақсатында әдістемелік және ұйымдастырушылық көмек көрсету (біліктілікті арттыру курстары, магистратура);

-Қауымдастық мүшелерінің кәсіби жетістіктерін дәріптеу;

-дәрістер мен семинарлар, конференциялар, көрмелер, мәдени, спорттық және басқа да іс-шаралар ұйымдастыру;

-сауалнама жүргізу және қоғамдық пікірді сұрау;

-институттың материалдық-техникалық базасын дамытуға қатысу;

-институттың коммерциялық және коммерциялық емес ұйымдармен өзара байланыс нығайтуға қолдау көрсету;

-кезектегі бітіруші түлектерді Қауымдастыққа тарту.

3. Қауымдастық мүшелерінің құқықтары мен міндеттері

Қауымдастық мүшелері өзінің дербестігін сақтайды;

Қауымдастық мүшелерінің құқығы:

-осы Ережеде бекітілген шарттар бойынша Қауымдастықтың басқарушылық жұмыстарына араласа алады;

-Қауымдастық қызметіне байланысты барлық қажетті ақпарат ала алады;

-жалпы жиналысқа қатысып, дауыс беріп, сайлауға қатысып, Қауымдастықтың басқарушылық қызметтеріне сайлана алады;

-Қауымдастық дамуына өзінің және сырттан тартылған қаражат енгізе алады;

-Қауымдастықтың қызметі аясындағы мәселелерді талқылау мен өзгерістер енгізуге атсалысу;

-Қауымдастық мүшелеріне институт тарапынан аудиториялық қорын пайдалану мүмкіндігі;

-Қауымдастық өз мүшелеріне беретін басқа да құқықтарға ие.

Қауымдастық мүшелерінің міндеттері:

-осы Ереженің шарттарын орындау;

-Қауымдастыққа қатысты қабылданған міндеттерді атқару;

-Қауымдастықтың тәжірибелік жұмысына қатысып, атқарған қызметі туралы есеп беру;

-институтпен Қауымдастық беделі мен имиджін арттыруға ықпал ету, олардың мақсат міндеттерін насихаттау, Қауымдастықтың нақты бағдарламалары мен жобаларының атқарылуына ықпал ету;

-бітіруші түлектерді жұмысқа орналысына көмек көрсету;

-демеушілік көмек көрсету жолдары мен демеушілік жасау тәсілдерін іздестіру;

-Қауымдастық жиналыстарына қатысу;

-институт беделіне нұқсан келтіретін іс-әрекеттерден бастарту, күнделікті өмірдің әдептерін сақтап, Қауымдастық қызметіне қатысты құпия ақпаратты жарияламау;

-осы Ережеден туындайтын басқа да міндеттемелерді орындау.

4. Қауымдастық құрамына кіру тәртібі

Қауымдастыққа институт түлектері мен институт қызметкерлері мүше бола алады. Осы Ереженің талаптарын мойындайтын, Қауымдастық жұмыстарына қатысатын институт студенттері мүше бола алады.

5. Қауымдастық қызметінің тоқтатылуы

Қауымдастық, оның мүшелерінің ортақ қызметтерінің жалғасуына қызығушылық білдірмесе таратылады;

Қауымдастықты тарату жөніндегі шешімді жүзеге асыру Қауымдастықтың жалпы жиналысында қабылданады.